

四庫全書

集部

欽定四庫全書

江湖小集卷七十一

宋 陳起 編

吳淵退菴遺集

文序記

鶴山文集序

藝祖救百王之弊以道理最大一語開國以用讀書人  
一念厚蒼生文治彬彬垂之百年海內興起未艾也而  
文章亦無慮三變始也厭五季之萎薈而崑體出漸歸

欽定四庫全書

江湖小集  
卷七十一

雅馴猶事縉組則楊晏為之倡已而巨瀕障川斷彫返  
樸崇議論厲風節要以關世教達國體為急則歐蘇擅  
其宗已而濂溪周子出焉其言具道德衆務而惟文之  
能藝焉耳於是作通書著太極圖大本立矣餘有所及雖  
不多見味其言藹如也由是先哲輩出易傳探天根西  
銘見仁體通鑑精纂述擊壤豪詩歌論奏王朱而講說  
呂范可謂和順積中英華外發矣後生接響謂性外無  
餘學其弊至於志道忘藝知有語錄而無古今始欲由

精達粗終焉本末俱舛然則言之無文行之不遠亦豈  
周子之所尚哉此予於鶴山魏公之文而重有感也南  
渡後惟朱文公學貫理融訓經之外文膏史馥騷情雅  
思體法畢備又未幾而公與西山真公出焉予生晚不  
及見考亭之典刑猶幸得接二公之緒論歲在丙申魏  
公假督鉞闕道吳門予辱兼知戎敵事以故讀公詩文  
為尤熟公夢背十二年而二子曰近思充愚萃遺稿刻  
梓焉屬予序之竊惟公天分穎拔蚤從諸老遊書無不

讀而見道卓守道約故作為文章深衍闊暢微一物不  
推二氣五行之所以運微一事不述三綱九法之所以  
尊言已必致知力行言人必均氣同體神怪必不語老  
佛必斥攘以至一紀述一詠歌必勸少諷多必情發禮  
止千態萬變卒歸於正及究其所以作則皆尚體要而  
循法度浩乎如雲浮空而莫可狀凜乎如星寒芒而莫  
可干蔚乎如風穀波而皆自然其理到之言與其有德  
之言與程張之問學而發以歐蘇之體法與公文視西

山理致同醇麗有體而豪贍雅健則其所自得故近世  
言文者曰眞魏要皆見道君子與公雅早掇峻第晚踐  
政途然身未嘗安於朝廷之上使得行其言以措諸事  
如藝祖之訓而用之詎止如今所觀存者而天不假以  
年故所可見者文而已惜哉淳祐己酉夏宛陵吳淵序

橫碧堂記

此邦形勢水西南而山東北郡治居卑下處三湖固不  
可望而見所謂長江亦必憑高而眺於微茫杳靄中始

得其髣髴然非天日大朗烟塵盡收則雖豁眸極目無所覩也惟青黃二山白紵橫空諸峯綿亘東北稍可供登覽子城上有碧雲亭創始於大觀間不知命名何義然山在東而亭面西亭之與山若相背然後又有一亭頗與山對纔尋丈許僅可容四五客過此輒不可著足恐妨游目騁懷余疇昔固已病之而欲改為矣會易地弗果又十年再來則亭已撓敗有不容不舍舊而新是圖者乃移其面勢以西為東作堂三楹又前後為軒各

三楹環以欄楯翼以窗戶使虛明軒敞四無障蔽頃成  
觴客於上有笑而言者曰今之山猶昔之山也昔也余  
來蓋常頭頸伸縮欲以見山而山終偃蹇今也排闥送  
青入戶獻狀凡四時晴雨之景朝夕煙雲之態不勞指  
顧而盡入吾目然則位置之巧者固如是乎余曰昔山  
谷罷郡嘗有句贈郭功甫云翰林本是神仙謫落帽風  
流傾太白江山依舊雲橫碧昨日主人今日客誰分賓  
主強醒醒問取磯頭新婦石請以橫碧易之可乎且山



谷在郡不滿旬日其戀戀於此邦之幽勝猶若是矧余父子兄弟三十年間相繼來守余又再至則其不能忘情固宜此堂之所以作也客退余坐而假寐夢與浮丘先生弘景太白相遇笑談傾謔如舊交蓋若喜余之能作此堂又能對此山者二公既去劉寄奴桓司馬繼至余揮之曰余堂不為二子作報而退余亦睡覺云堂之南舊連清風亭多歷年所圯尤甚亦因餘材新之凡三楹一翼輪奐相稱故并書

太平郡圃記

姑孰郡圃視他郡為隘自王冠卿紫微以窈深為神祠  
又自李儔老棘卿以駐春為仗甲庫益隘甚巋然獨存  
者惟近民堂然創於淳熙間已百餘年屋老材腐多支  
以木居者每危壓是懼堂舊對池之陽修可二十丈中  
有官梅亭跨以橋水面纔七八尺少晴輒涸雖名為池  
而實溝澮之弗若也乃鑿而廣之灌以江水作堂其上  
扁曰揮麈即劉丞相畢老詩中語也中為堂五楹前為

軒三楹堂後又為重堂五楹扁曰窈深復舊也池上三  
峯植桃三本李十八本柳二十本既成適當仲春試與  
客倚欄而觀之清漪綠漣渺如一壑輕波微瀾隨風四  
起密藻叢生小荷簪抽柳眼已舒漸露黃金之色梅花  
雖謝尚飄白玉之香鷗鳬翩翩而來龜魚洋洋而遊恍  
然身在江湖之上若夫炎夏納風高秋賓月冬曦煦背  
寒雪眩目三時之景又可知恨余之不及見而去也堂  
之東十餘步即前所謂神祠天神主於靜貴於肅乃宅

於宴游之處賓客騎從之喧填優伶倡幻之褻狎其為  
不靜不肅毋乃甚乎於是移於帑庫之側以其地為亭  
前種梅三十本後種竹一百箇揭倪正父文昌所書官  
梅扁官梅之後有隙地盈丈亦作小亭植紅藥二壇扁  
曰駐春池之西亭有午橋莊野處洪公所創洪公文章  
妙天下其所為記至今膾炙人口然屋實卑陋縱橫纔  
尋丈且歲久亦弊又為之創屋十一楹中揭洪公舊扁  
以為宿客館賓之所於是太平郡圃雖不敢以為美亦

庶幾可備政暇游憩笑語或曰子自開藩以來減租蠲賦弛征代輸修黻宮治書院葺浮梁整倉宇居養濟皆當為而為宜也乃若園池亭榭毋乃不必若是乎余應曰昔者藝祖皇帝之開國立考課之制凡州縣廨宇之修廢成毀皆書之以行殿最賞罰今課厯猶有存者則莅官臨政之餘退休之所亦在不廢固聖祖神宗之屬望而金科玉條之所許也昔柳子厚作零陵縣三亭記以為氣煩則慮亂視壅則志滯故君子必有游息之物

高明之具於以滌其煩而宣其壅宜不可廢於一邑况郡乎此郡圖之所以作也

采石虞忠肅公祠記

阜陵在宥二十有八載循名責實始終惟一蓋嘗與丞相趙衛公評雍國虞公事業以采石之功為第一詔特贈太傅嗚呼可謂不沒其實者矣余家有別業在楊林裕溪之間少小督租往來必艤舟蛾眉下時紹興舊校猶有存者每為予言當李顯忠未至敵兵將渡三軍無

主百姓皆荷擔立會虞公適至即立馬指揮部分某軍  
登某船某船守某隘言未既敵舟已塞中流公以重賞  
嚴罰督勵將士且躬自鼓之莫不人百其勇盡死鬪又  
益以火攻之具於是天反風敵舟焚焉其主遁焉當是  
時非公則江南幾殆嗚呼余聞其言著諸心蓋四十年  
於此矣夫天欲啓一代中興之君必為篤生一代中興  
之臣周之宣王維申與甫漢之世祖寇恂鄧禹唐之憲  
武裴度德裕皆能戡禍亂定變故安黔黎康海宇以光

復先古之業此豈偶然而然哉初大觀間有俊明者成  
都人精於易數嘗詣闕上書我汴京王氣盡乞移洛陽  
朝廷以妄斥之時雍公猶幼張魏公尚小官俊明一日  
謂公之父秦公曰國家之運將在東南南渡之後大變  
有二譬如大舟巨艦厄於駭浪驚濤維楫操柁非命世  
之才不濟任其事者其張公與郎君乎秦公聞其言當  
時固未信也嗚呼苗劉之逆宗社幾危北敵渡江南垂  
不保天生二公再造我宋中興之祚千萬載未有艾此



豈偶然哉夫德施於民則祀之以死勤事以勞定國則祀之能禦大災能捍大患則祀之豈非以勞定國者歟豈非禦大災捍大患者歟而采石之祠昉於嘉定九年春予開閩金陵公之曾孫黈以池倅來入幕既至諗余曰黈自池而昇道經先公祠下地局址隘棟撓樹傾草萊生階牛羊入室甚非所以安神靈昭勲烈敢請夫見河洛而思禹功此人心所同然與生俱生不可泯沒矧余以守江為職公以守江策勲因職而懷其勲因勲而

懷其人因人而崇其祀是非予之責與於是捐緡粟治  
材木委馬步軍副總管關侯寶董役郡太守章御史琰  
又相其費自門及廡及堂莫不鼎新焉凡為屋十有四  
楹左圖采石卻敵之實右繪京口防江之規當時將士  
之用命者亦肖像其後既落成統又請記因書顛末授  
之俾刊於石

濟民藥局記

淵猶及見先生長者談乾淳間事其言曰聖朝體列聖

好生之德每以民命為重一念懇惻無所不用其至乃至濟藥療病亦加宸慮一日忽遣中使宣索太平局龍虎丹既進御命捐其價十之九蓋聖意謂親嘗則主者不敢苟直廉則貧者易以得嗚呼神農氏日試百藥周官醫師掌醫之政今自十全以至十失必次第而躬行誅賞實此意也近世天下郡國臺府開設廣惠局以便民服餌皆所以廣此意也姑蘇城大人衆余領郡適有春疫亟擇羣醫之良分比閭而治某人某坊某人某里

家至戶到悉給以藥窶而無力者則予錢票疾不可為者復予周身之具繇二月訖七月其得不夭者一千七百四十九人因念倉卒取藥於市既非其真非惟不真且弗可以繼乃創濟民一局為屋三十有五楹炮澤之所修和之地監臨之司庫廩庖湍鑪磴鼎白翼然井然罔不畢具夫匠木石之費錢以緡計者七千八百四十五米以石計者三百二十三既落成復以二萬緡實之為市材費凡川廣水陸之產金石草木之品無珍不致

無遠不取冀有益於人故真其劑弗求贏於官故輕其  
直料置豐盈薌味芳烈較市之銜玉賈石者相去不啻  
萬萬列肆闐闐過者懽悅他日設遇流行之災四時之  
疹則分醫以療捐藥以濟其為吳門之利蓋未有已也  
恭惟聖天子仁同阜陵視四海之痒疴如在體淵幸叨  
選擇出守是邦求牧與芻不敢不勉此局之設蓋亦所  
以推廣德意萬分一云紹定四年八月奉議郎直煥章  
閣知平江軍府事新除浙西提刑吳淵記

廣惠坊記

淵不肖仄聞先君子之訓曰先儒有云志伊尹之所志  
學顏子之所學又云一命以上有志於及物於人必有  
所濟此吾之所以終身拳拳服膺而勿失者也書曰一  
夫不獲時予之辜孟子曰思天下之民有不被堯舜之  
澤者若已推而內之溝中此伊尹之所志也小子識之  
淵入耳注心三十年於此矣故自領一簿宰一邑以至  
貳一州佐一臺未嘗不日思先君子言求所以及物濟

斯民者迺庚寅之冬被命守姑蘇道過吳江橋下淵延  
見所部吏舣舟焉時夜雪凝臬霜風凜冽襲裘不知其  
為溫附火不知其為炎於是惻然動心進左右而問之  
曰爾邦城大民夥鰥寡孤獨癯老廢疾顛連而無告者  
其多乎曰然郡有廬以聚之有廩以食之乎曰否淵獨  
念言窮州陋邑猶有所謂居養安濟之所吳門甲三輔  
多名守富課租不應有此缺典既領印即括夫田之沒  
入於王官者廢絕於緇黃者未幾則公以財市民膏腴

者寸積尺累厥數既登迺卜地鳩材為屋七十程總土木夫役費錢緡九千六百八十米石三百一十七既成扁曰廣惠坊廳堂耽如廊廡翼如男子婦人各有位置倉廩庖福井曰牀几鼎鼎備具無一乏缺適然而疾病者又別室以居之大者人日粟一升半月錢三十有三小半之米則三殺其一焉夏則湯沐冬有衾纊病有藥死有槨額以二百人為率亡者得續此其大畧也竊嘗考祖宗時在京有四福田院外郡有居養安濟院當時



奉行惟謹甚者至有設轡帳具酒食其所全活不可勝  
記深仁厚澤與天同普此國家運祚之所以久長州縣  
長吏之所當遵守而廣惠坊之所由以作也後之人與  
我同志尚思先儒之言益而侈之是亦上不負天子下  
不負所學之一端云若夫租入多寡方策具載茲故不  
書紹定四年八月既望奉議郎直煥章閣知平江軍府  
事新除浙西提刑吳淵記

江湖小集卷七十一

欽定四庫全書

集部

江湖小集卷七十二  
三

詳校官中書臣張姚成

助教臣常循覆勘

覆校官主事臣龔敬身

校對官助教臣胡子襄

謄錄貢生臣苗序洙

欽定四庫全書

江湖小集卷七十二

宋 陳起 編

宋 伯仁 雪巖吟草西塍集

詩如五味所嗜不同宗江西流派者則難聽四靈之音  
調讀日高花影重之句其視青青河畔草即路旁苦李  
心使然也古人以詩陶寫性情隨其所長而已安能一  
天下之心如一人之心吁此詩門之多事也甚至裂眦  
怒畢必欲字字浪僂篇篇苟鶴殊未思騷選文章於世

金之八  
卷七十一  
何用伯仁學詩出於隨口應聲高下精猶狂無節制有  
如敗草翻風枯荷鬧雨低昂疾徐因勢而出雖欲強之  
而不可稿以隨日而抄豈望廣傳於世兒曹異日知伯  
仁得詩之頓其一休一戚所寓若此姑綴於草云

嘉熙戊戌家馬塍稿

四十

役役人間世齊頭四十年讀書雖未已作事易徒然宦  
業蕉中鹿生涯葉底蟬願逢時務好一榻醉時眠

寓目

暖風輕撥綉簾開放入  
雙雙紫燕來燕子似於人有舊  
細銜花片落粧臺

晝景逢春漸漸長  
博山添熱半匙香  
梅花一片嬌無力  
自趁晴風過粉牆

久雨

暗數春來雨曾無兩日晴  
樹連山莫辨橋與水俱平  
閉戶唯便懶逢人  
且問耕海棠花落盡  
顛顛幾流鶯

訪高菊磧

可惜吳中不見君  
短篷空載一溪雲  
知君已到孤山下  
日日梅花酒半醺

張監稅新居

為愛溪頭只兩家  
也來隨分作生涯  
依山築屋先栽柳  
買地為園旋種花  
聊把功名循世態  
只憑詩酒度年華  
與梅一夜論心事  
石鼎茶乾月未斜

尋孫花翁

東風吹雨濕西湖未許蘇堤酒賸酤試向花翁問花訊  
不知花似去年無

春雪不止

春來雪意愈遲遲文學飛綿過小樓暖逐東風雖易化  
猛如前月未塵休鶯花消息孤詩課蠶麥生涯累客愁  
莫道遠人多凍殺王師亦有在邊頭

無事

日日溪頭看好山塵囂無一可相關梅花未必能如我

花謝花開未得開

訪林可山

可山無日不吟詩我欲論詩未有期  
幾度孤山明月下手援梅蕊立多時

簡施芸隱

雪後東風作峭寒客懷零亂客眉攢  
杭州雖近西湖月寧似湖州把釣竿

丁家村



不滿十來家門閭半以柴日烘蘭撲鼻風掠草侵鞋土  
酒融春興行歌放客懷何須高買屋一一近天街

再會夏石芝

自與君相別駸駸已數年一緘書不寄千里夢徒然雨  
店花新長風櫺月幾圓嶺梅無恙否愁滿鬢絲邊

舊同官張法曹

熬波同看楚天秋多少艱難說未休今日共依湖柳住  
夢中猶怕踏邊頭

雪後

暖地難為雪，春天易得晴。  
落梅狂客意，啼鳥故園聲。  
愁樂從他事，湖山寄此生。  
願將身與世，渾似柳梢輕。

紙鷁

弄假如真舞，碧空吹噓全。  
在一絲風，唯慚尺五天。  
將近猶在兒童掌握中。

湖上新晴

湖邊膏雨弄晴暉，桃杏紅爭錦一機。  
楊柳也如新及第。

向人爭舞綠羅衣

晚春溪行回文

青山數里一溪橫  
片片花邊舞燕輕  
耕過水田新雨足  
晴天晚色柳風清

悶甚

酴醾開已殘  
窗戶尚輕寒  
往事多成拙  
清尊強自寬  
對妻憐病久  
顧影易心酸  
更展淵明集  
從頭子細看

雨中

終日翻盆雨池亭晚更涼對琴思古意醺酒惜韶光綠  
漲便鷗嬾殘花笑蝶忙高田皆可插好與報君王

妙智庵

結屋古山顛源流未有年便非眞隱者且喜得安然石  
洞雲同卧茶鐺客對煎我來聊小憩詩滿夕陽天

朝不識字

難字逢人問村中一小兒璋麇寧易辨亥豕似堪疑鹵

莽

莽字音畝

元非莽

草莽莽字母黨切宿莽莽字音母

耕犁

十二齊犁字畊田器音黎

別

異犂

六脂犂字牛駁文良脂切

識丁何足道煮字不充飢

村學究

八九頑童一草廬  
土朱勤點七言書  
晚聽學長吹樵笛  
國子先生殆不如

讀林可山西湖衣鉢

梅花花下月黃昏  
獨自行歌掩竹門  
只道梅花全屬我  
不知和靖有仍孫

寄樓雲卧

雲卧西湖又幾年吟較多在酒鑪邊定知今古皆春夢  
不把功名作去宿緣芳草滿汀山帶雨黃梅落地水連  
天相逢未說江南事且問何時理釣船

村姑

翠鬟雙妥未梳頭紡緯車邊坐欲羞幾度採桑歸較晚  
阿娘疑看落花愁

底事蹉跎二八年嫁時裝著未周旋年年織得新絲絹  
又被家翁作稅錢

嘉熙戊戌夏復游海陵稿

簡吳荆溪

薄宦從來錯寧容著意求自慚千里夢空作去一番愁

笑我人如昨知心雨未休荆溪清徹底願泊釣魚舟

學館閑題

據見定時俱是足苦思量處便成癡請君打退閑煩惱  
啜粥烹茶細和詩

答林巡檢惠詩

客久情懷惡逢人懶說詩不堪秋到後將近鴈來時歌  
枕皆歸夢同心只舊知淵明籬下菊誰伴傲霜枝

秋花

鳳兒花雜鴈來紅更有雞冠弄紫氎可笑倚欄人醉後  
只將青眼看芙蓉

早秋 回文

秋天一餉晚風涼笑語人傳早稻香樓上醉時簾半卷  
愁添客髻雨蒼蒼



別友人集唐人句

菊花村晚鴈飛天

僧朋來

同住蘭舟未十年

許渾

今日送君

須盡醉

賈離人獨上洞庭船

李頻

對菊

少有惺惺得到頭  
此心何若嬾方收  
五湖烟雨常如昔  
一捻功名自不由  
世事莫將眞箇看  
客程難作舊時留  
人間豈欠淵明闕  
見著黃花便合羞

累字戲作解愁吟  
簡舊同寮

愁知不空白頭心事驚秋歸興滿滄洲  
貂蟬雖出兜鍪功名有愧黑貂裘  
夷齊與盜跖總荒丘無非蓬蓬相相  
夢莊周空教笑倒江上烟雨汀鷗  
一琴一劍一童一鶴一茶甌  
自不須苦苦高卧元龍百尺樓  
著眼看翻雲覆雨處豪傑總成羞  
牙旗金甲蹇驢破帽窮通一任前修  
五湖千萬頃明月則儘可棹歌橫釣舟

蘇州有感

秋意滿姑蘇扁舟憶五湖  
鈴聲邊報急帆影客心孤  
野

港青如染遙山淡欲無英雄應念我時事滿銀鬚

棋

亂鴉飛鷺勢縱橫對面機心豈易萌一著錯時都是錯  
寧無冷眼看輸贏

水邊聞鴈

偶集四靈句

蘆花新有鴈

徐靈暉

四面水連天

徐靈淵

清淨非人世

趙靈秀

吾詩詠不全

翁靈舒

嘲醉者

李白日斟三百盞醉時寧記脫朝靴  
一千八十萬杯酒百歲消磨未是多

村

又是江南割稻天家家兒女笑相牽  
芙蓉占斷清溪水獨許漁人醉艤船

離維揚

不為鱸魚憶故鄉只緣心事近重陽  
鬢絲添得三分白空被黃花笑一場

維揚萬花園

趙制使經理

細柳營基鎖綠苔  
萬花新種小亭臺  
芙蓉喜見江南客  
故向西風一夜開

雨中遠望

山匝濃雲水匝天  
秋容黯淡荻花邊  
瀟湘八景誰收去  
畱下波心小釣船

勸僧還鄉

六言

世事無過爾爾禪  
心只好休休江上  
數峯如削西風不

礙歸舟

舟中九日

巴得重陽未到家  
短篷根底憶黃花  
烏紗不為西風舞  
空與同舟說孟嘉

嘉熙戊戌己亥馬塍稿

安居

窮通豈在苦勞神  
且作安居嬾散人  
買地種花多種竹  
煮茶邀客也邀隣  
求名豈識書三上  
得與無過醉一巡

喜得滿簷收芋栗杜陵應不笑全貧

有感

窗戶清清半掩門小兒揩泪立黃昏幾多心事無人問  
獨看梅花月半痕

曉琴

靜夜聽鳴琴秋風動幽谷何為鍾子期千古無人續

楮先生

先生邂逅龍亭日多少雲仍滿世間千古典謨文獨記

九流毫髮事相關代庖阿堵名尤重製甲防邊職未閑  
只與道人為鶴帳始能清夢繞湖山

歲旦

己亥嘉熙三年

屋閑無賀客早起只如常桃板隨人換梅花隔歲香  
春風回笑語雲氣卜豐穰柏酒何勞勸心平壽自長

五老

儒將農漁女

壯年期慕佐中興豈謂蝓螭睡不醒可惜滿牀廷對稿  
白頭翻錄道家經

老儒



髀肉豐腴鬢髮疎將軍健飯待何如七禽不了中原事

羞讀君王問勞書

老將

齒髮俱無背已駝雨耕摩破幾青蓑高皇慶壽推恩詔

暗讀全文忘不多

老農

短髮衰髯一掉船白頭波浪幾掀天兒孫各占蘆花住

網得鱸魚卽酒錢

老漁

著破箱中欲嫁衣翠顰何止只憂葵春來偷摘班班髮

泪濕菱花只自知

老女

遠訪友人不值留集句小絕

寒食花枝插滿頭

范成大

長亭搔首晚悠悠

鄭毅夫

灞陵老

子無人識

王奇

別是天涯一段愁

陸游

寄征夫

待君君未歸寄書書不去寄書書可去有意殊難語  
深夜彈琵琶思君在何處知君在何處不禁春事已闌珊  
東風吹起楊花絮東風吹落楊花絮

客樓戲集唐人句

門掩楊枝一夜風

杜牧之

自憐羈客尚飄蓬

李山甫

不堪吟

罷東回首

僧朋來

烏傍巖花戲晚紅

杜荀鶴

贈僧了性

雖然年紀小曾次已江湖  
貝葉連宵看梅花一樣臞  
記詩誠敢許戒酒恐應無  
好向蘇堤上行行捻數珠

醉中登樓

明主何嘗棄浩然  
杯中有物且隨緣  
倚樓心事誰消遣  
一點飛禽落釣船

嘲燕

年來乳燕亦堪羞，不學楊花得自由。  
飛過幾家門戶去，且須尋見最高樓。

瓶梅

南枝斜插古軍持，瘦影參差落硯池。  
莫道人家窗戶暖，等閑忘却隴頭時。

春半

春到已多時，遊人替衲衣。  
柳眠鶯喚醒，花瘦雨添肥。  
官

事癡能了人情久，易非一貧能自守。  
贏得掩柴扉。

散愁 四首

著意功名四十年，柳花空滿鬢絲邊。  
男兒無補朝廷事，有媿飢餐困即眠。

小樓呼酒挹青山，翠碧瓏璁一笑間。  
山若有情應問我，如何猶似野人閑。

清貧如水儘無妨，只願伊周立廟堂。  
扶起太平千載脈，且隨農父樂耕桑。

旋買犂鋤學種田一聲長嘯雪溪邊微茫白水山如畫  
好箇江南萬里天

午睡

午夢驚回簟簟涼坦夷襟度即瀟湘詩高自與梅花好  
食淡方知菜味長事說萬端多畫虎人無一念不亡羊  
滿頭飛絮春零亂莫笑狂夫老更狂

酒邊

一醉復一醉陶陶醉未休何傷於日月知我者春秋萬

事難追昔千金不解愁白鷗飛浩蕩此興屬漁舟

小舟晚賞荷花

回文

天浮月影水浮天路繞山頭樹繞烟船小小行人意適  
藕花新索酒杯傳

清明插柳

清明是處插垂楊院宇深深綠翠藏心地不為塵俗累  
不簪楊柳也何妨

晚春

風斃殘花滿地紅  
別離樽俎謾匆匆  
春光未肯收心去  
却在茶蘼細影中

綠陰陰裏惜韶華  
自縛筠梢掃落花  
可笑遊人心未懶  
杜鵑啼處撥琵琶

清和

詩債還無足  
家園亦倦看  
客遊宜致仕  
午睡當之官  
舌笑張儀在心  
憑達麼安清和  
天氣好應免夾衣寒

久坐



坐久如忘世松窗日未斜  
營巢鷦鷯跡樹作去夢蝶眠花  
易課推三畫豎方錄數家  
瓶笙聲未絕更點土山茶

戲作

青梅黃盡雨無多柳影重重午  
日過忽聽隔離人語笑  
採蓮船子上新河

玉泉寺金魚

金鱗韜隱已多時寺壁重泥  
又有詩龍若久懷霖雨志  
不應蟠屈小方池

僻居

居僻恬無事開窗挹晚晴  
雨沈雲脚重風約燕身輕  
有子爭梨栗無朋問死生  
每憂人載酒剝啄打門聲

倦吟

競病推敲欲嘔心何如危坐  
拆桐陰新蟬咽咽知人意  
學我年來抱膝吟

云云

休將閑耳聽云云只作去  
深居耳不聞素志肯隨時節

改清貧難許利名分忘情茆屋無非燕著脚春山獨是  
雲試問急流誰勇退故園同看木欣欣

愁

愁懷難盡亦難詩唯有流鶯暗得知我亦無言鶯不語  
柳邊相看立多時

蓼花

秋到梧桐我未宜蓼花何事已先知朝來數點西風雨  
喜見深紅四五枝

嬾

嬾嬾嬾復嬾而今嬾更宜此身聊復爾萬事欲何之尚  
覺瓢為贅奚煩鉢自隨客來眠正熟裙幅任題詩

書座右

天地一蘧廬吾身自卷舒翁能從失馬子亦豈知魚謹  
獨甘居漏安貧且飯疏昨非今未是寧不賦歸歟

書座右

變觸小功名須教一念輕受知思報飯臨事貴懲羹壽

域惟仁宅心田以道耕泰然忘物我無使狎鷗驚

涼

不擬西風一頓涼  
看看涼近木犀香  
人家未得征夫信  
蚤有砧聲怯鴈行

荷花六言

綠蓋半篙新雨紅香一點清風  
天賦本根如玉濂溪以道心同

扇

帥璋今有幾家同名重蒲葵價亦穹髹柄但誇千縷骨  
不知曾未掩西風

中秋月

只與閑時月一般寧知今夕最團纈竹邊借柄還如扇  
花下傳杯可當盤野兔易忘終夜夢林鳥未許一枝安  
人生幾箇中秋節那得都將笑眼看

席上有舉東坡集歸去來字成詩十首醉中戲  
續一首

傲世欲何求歸來已倦遊  
琴詩聊自嘯丘壑復相留  
問菊時攜酒乘風或棹舟  
樂天良有以心事老田疇

漁父吟

小舟如鴈許穩穩下波心  
蓑笠幾風雨江山無古今  
清歌鳴短棹紅葉滿疎林  
一醉不知世前村月未沈

秋風

秋風卷秋葉秋思滿秋天  
骨立山如削聲低鴈欲眠  
客愁無暇日農事喜豐年  
說著鱸蓴事歸心滿釣船

聽雨

凍雨瀟瀟未肯晴  
洒窗聲似煮茶聲  
山童酤得隣家酒  
炒藥爐頭獨自傾

村田樂

打稻天如二月天  
滿村和氣樂豐年  
田翁爛醉身如舞  
雨箇兒童策上船

問梅

癡風袞袞送寒來  
竹裏人家總未開  
唯有老岩心事苦



瘦筇敲雪問梅腮

山下

山下六七里山前八九家家清到骨只賣水仙花

落葉

卷地西風促雨來掃除黃葉滿蒼苔垂楊蚤有青青眼  
只礙梅花未放開

梅蘭

清標同插古軍持清似西山凍餒時嚼蕊弄香無說處

屈平和靖已何之

佳人歌

淡勻粉淺畫眉鬢邊休插桃花枝白面郎君馬如箭回  
頭再盼情依依文君未識相如面朱絃聲裏猶相戀風  
流勝事千古傳寧如文君當時深深深深處深庭院臨邛  
亦免王孫怨佳人佳人休卷簾門外落花春正甜繡牀  
午困語聲寂博山篆冷香頻添佳人噫佳人吁今人安  
得人人思秋胡黃金不認真丈夫

醜女歌

梳風楊柳笑沐雨杏花羞看看三十餘不敢下妝樓待  
媒媒不來對娘娘共哭何時王右軍來坦東牀腹君不  
見西施絕色天下白能使麋鹿走吳宮玉環一笑百媚  
生能使漁陽鞞鼓驚玄宗無鹽無益形貌惡當時一段  
議論千古生清風美婦未必美所美貌徒美醜婦未必  
醜所醜行不醜醜妻惡妾壽乃翁何須能勸羊羔酒

江湖小集卷七十二

欽定四庫全書

江湖小集卷七十三

宋 陳起 編

薛師石瓜廬集

晉宋詩稱陶謝唐稱韋杜當其時人人皆工詩詩非  
不盛也而四人者獨首稱豈非侯鯖爽口不若不致  
之羹鄭聲悅耳不若遺音之瑟哉唐風不競派沿江  
西此道蝕滅盡矣永嘉徐照翁卷徐璣趙師秀乃始  
以開元元和作者自期治擇評鍊字字玉響雜之姚

賈中人不能辨也水心先生既嘖嘖敦賞之於是四  
靈之名天下莫不聞而瓜廬翁薛景石每與聚吟  
獨主古淡融狹為廣夷鏤為素神悟意到自然清  
空如秋天迴潔風過而成聲雲出而成文間謂四靈  
君為姚賈吾於陶謝韋杜何如也夫古詩三百不過  
比興然上下數千年間騷人文士望而知其難擬之  
而弗似矣四靈陋晚唐不為語不驚人不止而緩生  
常則其步趨聲效揚揚以晚唐誇人此人所不悟也

然則景石脫穎而出自成一家真知幾之士哉景石  
名家子多讀書通八陣八門之變乃心物外至忘形  
骸築廬會昌湖西灌瓜貼樹篳醇擊鮮日為文會論  
切闇析恐不人人陶謝韋杜也情真氣和庶幾乎有  
道者而年五十一死矣死後人士無遠近爭致其詩  
其子弟手鈔不能給於是相與刻之嗚呼使景石健  
至今詩又止是乎嘉熙元年清明日東閣趙汝回序

瓜廬詩

瓜廬

近來有新趣  
買得薛能園  
疎壤延瓜蔓  
深鋤去草根  
花時長載酒  
月夜正開門  
最識田家樂  
辛勤更不言

瓜廬至日即事

西山起還伏  
插入萬丈潭  
漁叟操桂棹  
樵歌過草庵  
年荒酒味薄  
天旱井泉甘  
不願丘園責  
惟將易自參

送趙幾道赴台州錄事

廳前綆汲何從來  
清流海底通九垓  
天河地脈瀍旋轉



上中下井躔三台滿城桃花二仙種方廣金殿三門開  
一時會上幾許人若匪佛種應仙才于公徒知高其閭  
豈識大化非胚胎今茲送言暫相別詩規筆誨紛崔嵬  
傳說明星定入夢方朔跡穢空諧詼不昵不阿予與汝  
古交淡淡無嫌猜

寄趙紫芝

別後訪消息傳言一半虛前官已不就所向定何如苦  
雨厭羈思春風欺舊廬懷人閉門夕專擬寄來書

會宿趙紫芝宅

郊居無一事喜見友人來  
促席坐添火推窗立看梅  
論詩漏欲盡煮茗匣重開  
此夜思徐照墓松猶未栽

贈達西堂

却罷住山緣歸來又十年  
自知身是妄常道鉢休傳  
塔路修來直紗燈影處圓  
與吾相對坐語嘿盡通禪

寄蔡任

不見三百日問君消息多  
身閑詩有味水靜月無波  
琴

裏懷孤竹書中寄永和遙憐一江隔何計得相過

送趙紫芝入金陵幕

為官亦僦居官況定何如昨夜交游散滿湖秋雨疎此  
邦佳麗久舊吏拜參初喜是賢侯幕新年有薦書

讀劉靖君碑

儒生身上事皆成身外浮華亦甚輕種竹滿山門徑小  
挂冠當路樹枝橫幾於顏子三生壽分得陶潛一字名  
何處時今見前輩只看碑語自心清

漁父詞

十載江湖不上船  
捲篷高卧月明天  
今夜泊杏花村  
只有茶簪當酒錢

鄰家船上小姑兒  
相問如何是別離  
雙墮髻一彎眉  
愛看紅鱗比目魚

平明霧靄雨初晴  
兒子敲針作釣成  
香餌小靈絲  
輕釣得魚兒不識名

繫船蘭芷長蘆曲  
袷方袍忽訪吾  
神甚爽貌全枯  
莫

是當年楚大夫

春融水暖百花開獨棹扁舟過釣臺鷗與鷺莫相猜不  
是逃名不肯來

夜來采石渡頭眠月下相逢李謫仙歌一曲別無言白  
鶴飛來雪滿船

莫論輕重釣竿頭伴得船歸即便休酒味薄勝空甌事  
何須著意求

寄謝黃元信惠茶

建溪金鉞直幾千余性所嗜一已偏尋常草卉不足進  
龍團鳳夸如珉堅長鬚健卒前月到手提菜器急取煎  
妻兒攢眉笑苦澁為言眞味茲天然易牙去已久吾齒  
若具編枵腸豈廢食睡省非壯年惜此餘香滯喉頰巡  
除吟詠聲譏譏詩成等題建寧郡主茶官吏俱時賢合  
同緘印一時畢進奉飛馳爭春妍天子不敢嘗薦以寢  
廟先定自褒嘉到屬郡趣君密通玉爐煙一以此味沃  
天下邪魔驅掃無留連

送子舒弟之官華亭

執手難為別愁看去棹孤船官得閑散春晚過皇都書  
附海人便花添住屋圖有時吟句穩還憶老兄無

送張直翁之筠陽

時平民事少詩句定能清況作江西去放教秋水生山  
花香淡泊湘竹恨分明朝士多知爾慈溪舊有聲

送趙端行廷對少寓期待之意

甲科知亦有難得是家傳定入中朝局還交內賜錢服

青初解褐班後忽超前獨謝歸廊幕詩呈第一篇

贈葛天民

逃禪已得計易姓豈云非自說身如幻常人見亦希亭  
邊看荷葉樓上掛蓑衣幾夜蘇堤月隨君瘦影歸

送廬次夔兼柬廬九祕書

蔡邕初入直撰著幾書成所取友若此遙知人至清朝  
迴收疏藁夜語雜詩情愧我多年別相煩一寄聲

挽陳叔望



少年曾是魯諸生為立功名別路行  
嘗捉寶刀嚴漢陞  
再持符節領江城  
絕憐詩律雙金在  
不見林塘五柳成  
明日西山歸葬處  
踏青人散草初平

送葉季重之官吳門

君繼賢人業試官閭闔門但問要離墓  
莫看真娘墳  
虎丘寺前生野草  
一花一葉皆麗好  
用心吟淡不此嗜  
自  
有詩禮長探討  
給旁餘閑庭廡空  
小輿應亦上垂虹  
橋  
邊風駛寄書便  
只寫平安報  
乃翁我慚空空易  
疎斥時

亦摳衣侍函席春膏流得儻寄將待寫續經藏屋壁

寄趙叔魯

相知言莫盡別後意如何命笑春冰薄愁因夜雨多  
全  
家寓京國無地著吟哦會得窮通理從今緝薜蘿

酬劉子至

寄來書一紙別後喜安和想見清高極吟成秋思多  
山  
頭靈運立月下謫仙歌共是江湖客斜陽各曬蓑

賦二十八字

水滿溝塍不愁旱急催租稅却憂貧家人苦不憐予拙  
雪袴冰衫要及晨

紀夢曲

夜夢佳人嬌且長星冠霞披雲衣裳雙眉淺淡畫春色  
兩耳炫耀垂珠璫緩步逡巡倏相近世道人情不敢問  
斂容正笑發一言不識巫山雲雨恨自從十五學仙經  
今年二十身骨清天上有籍昇其名長聲短聲歌紫瓊  
紫瓊之章詞宛轉永與人間風調遠餘聲未竟鐘鼓鳴

霧散煙收人不見

水心先生惠顧瓜廬

未成三徑已荒蕪  
勞動先生枉棹過  
數朶葵榴發深愧  
一池鷗鷺避前呵  
路通矮屋惟添草  
橋壓扁舟半沒河  
再見緇維訪漁父  
却無漁父聽清歌

題南塘薛圃

門對南塘水亂流  
竹根橋抵自成洲  
中間老子隱名姓  
只聽漁歌今白頭

巾山

兩峯爭起入雲層半屬虛空半屬僧斜日滿山人到少  
任蕃去後我來登

送趙端行

紛紛帝族貴欽茲神秀門永嘉分弈葉甚盛二枝蕃吾  
友天樂翁實惟游之孫身雖羈旅盡詩則騷雅存姪行  
有科第作尉期高竊是曰提刑後今問方騰喧大心欲  
圖南小技不在言十年相聚首偉論孰敢援交比鮑叔

知志許諸葛論分攜乃明發念我守故園君往夫差國  
不遣吳水渾陸靜翫蟾彩江清烹鮑豚邑宰話鄉曲官  
廨如荒村昂藏信多暇時憶朋友樽窮達委天分守道  
無競奔會當春風吹梅實衆花繁

挽徐道暉

昌黎銘最好朋友更情深身沒復何憾家貧自不禁春  
山無死草夏木有清陰為鬼詩還則重來何處尋

漁家

小舟輕似葉曾不畏風濤自說磻溪好翻疑釣瀨高晚  
來魚換酒歸去子持篙定是逃名者時聞歌楚騷

梅雨

梅潤雨兼旬暑月不知夏溪流三尺強舟人驚昨夜余  
家有瓜田蘋藻紛揉藉魚鰕失憑依跳躍至床下卑濕  
畏暮年扶策升臺榭難願方丈食互市物踊價四鄰各  
淒涼惟有酒可借五月藉新白咀嚼勝棗炙閉門人事  
絕向晚烏巾卸震雷壓不住神龍未遑暇或謂蛟為孽

胡不寧爾舍旱滂政本農偏惠及間架皇天無所私未  
遽損禾稼一洗天下清作我聖人化

謝陳水雲寄惠瓜廬字

我向村中住無人知姓名結廬難得就種樹幾時成扁  
榜龍蛇動飛簷燕雀驚自憐幽僻地因此亦敷榮

和梅氏西澗韻

此處宜新月開門必向西近江湖有信初種樹猶低何  
日尋梅隱移船繫柳堤詩篇滿窗戶畱壁待余題



秋晚寄趙紫芝

數日秋風冷丘園  
獨自身閑看籬下菊  
忽憶社中人苦  
詠肩常瘦移家債又新  
極知君淡泊十載得相親

送王成叟先生訪丁子植

老懶無拘檢一年  
身耐貧還思溫嶺去別我  
苦吟人柳  
色行三日  
雪風浴暮春  
舊時同學友迎拜  
綠袍新

和葛天民

賈島文章懷素書  
得來讀罷卷還舒  
西湖柳下為君宅

東海雲邊是我廬千里江山長若此一生心抱欲何如  
相思唯有加飡食不暇逢人寄鯉魚

戲贈趙天樂

問隱當時意已深近來全廢是清吟一春祇為風雷變  
盡日閑觀天地心聞道丹爐初候火能教瓦礫化成金  
果然成得知何用不似瓜廬種紫蓼

孤山

不到西湖今幾時十年雙鬢欲如絲難尋和靖題詩處

空見梅花成老枝

望夫石

望夫一望幾千年  
蒼蘚何曾似翠鈿  
却是春深更風雨  
滿身吹淚使人憐

喜翁卷歸

我老寡儔侶年荒值冬迫  
膝下有啼寒餅下無儲積  
豈不展轉思自欠經營策  
儒冠匪謬賦性素褊窄  
淵明疑夙世荷鋤心便適  
嗟予四友朋驚見三化魄  
一翁尚

淒涼六帙困行役家貧病難愈詩苦髮全白昨來扣我門偶往比鄰宅聞語亟倒屣已去歟無迹知君懷百憂雖出難久客從今幸安居況有舊泉石清晨過窮廬竟夕話疇昔逝者已云遠相期守枯瘠

寄題趙十四知縣聽雨堂

誰彈石上琴涓涓流水響主人性清曠靜夜逾幽想何心指蓬閭取近對湫蕩應有可人來煙蓑曳雙槳

塔山和徐道暉壁間韻

寺在一山頂江分兩岸田憑何發詩興題字古廊邊近  
地今埋骨閑人亦助錢昨宵畱宿意不忍上歸船

送葉宰赴豐城

君往為官處江西寇已平獄閑空劒氣堂靜響琴聲有  
法催常稅無私得衆情時方急賢路名定達公卿

喜徐璣至

榮滿自南歸曾過秦系廬無心緣見道會面只如初詩  
好多人說官清得薦書柴門勞顧訪未覺四年疎

送蔣肖韓

岳陽有仙跡君去頗相宜  
已料官閑日多吟湘水詩  
高風琴斷裂白月酒連漪  
無意求人薦惟應我自知

懷趙紫芝

日沈月上暝煙斜  
收拾漁竿恰到家  
為憶城南清瘦友  
寒宵夢裏見梅花

至日遊湖

此心全剥落  
今日一陽生  
自分安身計  
難逃素隱名  
貧

中聞道徹閑裏作詩清別有求漁者笑予憂思盈

自題

半生作計在田廬習懶何曾好讀書誰却畫作古人樣  
旁邊還是欠犁鉏

送謝強學主建德簿

少年初試吏濯印富春亭水可清人骨山曾隱客星俸  
廉專母養跋簡靜公庭守是賢侯子應看薦墨青

寄題趙紫芝墓

辛未聯詩別九年成恍惚大星墜地旋無光君身八土  
名不沒吳越之水相交流寂寞詩魂何處遊不聞孤鶴  
喚人醒空見梅花似人影無復東巖招謝客應住西湖  
伴和靖世上如今一句無一靈獨存勢欲孤我有生芻  
來未得只愁宿草易荒蕪

贈爽上人

何人養道得如君房接高樓半接雲山地栽梅寒葉瘦  
瓦爐留火夜香薰看經尋義心逾靜坐默觀身耳不聞



莫道門前是塵市須知喧寂此中分

哀徐致中

亡友如今隔杳冥  
畫身只見病時形  
書窗閒久梅添潤  
花徑荒來草又青  
一卷詩編空就緒  
兩年文會覺凋零  
幾迴行過深深巷  
不忍登堂不扣扃

送薛泳

病裏風光總虛擲  
岸花園柳雨中休  
無端好客隨春去  
送酒吟詩一併愁

楊柳枝

門前楊柳君莫折長於折處生兩枝兩枝難作一枝合  
一心分作兩心時

唯有高枝高莫攀不堪攀處只堪看怪得樓頭畫眉婦  
春朝長自凭欄干

獨於高處接陽和占得春風分外多須信繁華易披拆  
不如柔弱拂江河

汴水堤邊新可束永豐巷口綠成堆盛衰到底皆惆悵

何不移根種馬嵬

橫參樓和老杜韻

僻懶便幽處江湖稱隱心地偏欣改觀樓豁喜初臨暖  
日低輕帽良朋接短襟潮聲全有韻帆影半回陰翠麓  
添重色鱸風出淺林嶼頭煙瘴遠沙背浪痕深寂靜雲  
歸壑欄珊月近參人家已鼾睡漁父尚謳吟造化由來  
久周迴忽見今愛他斜日照顛倒數山沈

湖上

勢利絕交初瞿然卧隱廬無營心淡泊見客禮生疎遊  
有漁樵伴看多佛老書春深草易長忘却倩人鉏

宿瞿溪

船泊溪西岸人家見晚春疎星寒有鴈村寺夜無鐘竹  
徑通新店茅柴煖病容農夫不相識問我欲何從

送從善雲遊

鴈蕩天台去閑尋倚杖藤路邊應得句禪坐似無能頂  
笠偏愁雪山猿不畏僧儻逢清塞伴休願入傳燈

多景樓

跨浙連淮是潤州好山全對此江樓少年志氣慚霜鬢  
猶憶曾看打陣舟

送法照

論著天台教詩參左緯來閑行過蓬華相對坐莓苔講  
席虛前月重遊約後迴仍聞藏袂帖應許為吾開

送子舒弟赴金陵兼東宋君輔

祿仕何方好金陵總莫如廟存元帝像家有二王書羽

檄時方急文才用有餘功名收拾了歸食會昌魚

送夏肯父

霜晴鴈蕩白五日計鄉程野燒明山店輕輿憩嶺平乞  
銘甘久客愛母起歸情孝極天為感師文早晚成

挽林敬之

閉門常讀易遯世意如何有酒可消悶無堦不種莎閑  
時尋舊友月夜步新河我亦逃名者題碑愧爾多

金賢良

虛號賢良豈療飢短衣結袖竟何為空攜痛哭能言策  
不遇勤求下詔時老去說詩猶有味寒來索酒莫教遲  
家貧身死知無計自有旁人為立碑

學海樓和水心先生韻

江口潮生夜語喧月殘惟有數星存更憑高處觀空闊  
始悟乾坤是易門

下僊勝因寺有懷

山中初寄隱野寺一天星路遠有如此客來應未能蛩

催寒嫗緯蟬雜夜僧經忽憶忘形友微吟自剔燈

趙成子

早年名字諸公並唯有清聲獨至今辭却雙旌更何事  
自扶靈壽欲閑吟病來便作雲歸岫死矣猶如鶴在陰  
終始哀榮了無恨只愁塵鎖匣中琴

送文子監草料場

坐局何煩聽曉雞豆萁苜蓿亦詩題好文不愛今人體  
色養寧嫌古署低翰苑舊交應顧訪相門斯近事招攜



歲寒惟有君於我老去過從許杖藜

寄鴈蕩詩僧

鴈蕩峯前夜雨晴空房不住有蟬聲一身閑後髮難白  
五字吟來思極清少見出山多入定還於夏末起秋程  
何如更待黃花節顧我來遊計已成

李白墓

野人燒殘竹數枝詩魂飄蕩定何之娟娟秋月照采石  
不在荒墳在水湄

漁父二首

偏來浦口芰荷香  
綠葉叢中睡一場  
須信至人無妄想  
不曾有夢見文王

利薄每言隨分過  
避名不入愚溪路  
春深雨足釣絲長  
夜來又宿蓑衣步

州醺席上賦牡丹得日字

粉淡與妖紅占盡  
陽和出春去在商  
量更費吟人筆  
此是洛陽花尚帶  
長安日特上使君  
墀寶餅分甲乙

寄龍虎山道士孔野雲

上清三十六院閣皆幽清漱齒泉新汲晞髮日始昇自  
除燒墨竈晝夕誦黃庭所得異疇昔出山畏逢迎同當  
知非年寄詩聊寫情

夜坐陳縕靈見訪

清夜焚香篆閑看郊島詩自憐多冷寞誰足慰哀遲樹  
雪明窗紙餅梅落硯池君心亦無事相對坐移時

送翁靈舒閑遊

袖有新詩如美玉知君去意十分濃山行見草認靈藥  
午歇就陰依古松兩鬢已添蓬蘂色三年判作飄零蹤  
羈情夜後更愁絕深澗斷猿溪寺鐘

先寄郭子奇

世道祇如此君心我得知先教我菊在預作去官期夢  
覺秋風起行吟夜月遲懷人幾十載欣有叩門時

喜葉謙夫婦

老思忽蕭爽親朋得意歸菊觴奉親壽柳色上儒衣宅

旺看山勢門清有釣磯  
我來聊問字澹坐月侵扉

挽潘母

獨翫隔廳月淒涼三十年  
眇然儒素業翻以姆儀傳生  
計無中有哀齡病後延誰為市貞石高刻墓之前

送趙主簿

內地無烽火詩人入仕林  
定將詠物意移作愛民心  
晤語初同調分攜便不禁  
卜鄰曾有約久後得相尋

送陳器之赴紹興初官

郡古湖如鏡照人心  
膽清閑曹應事簡  
盡日讀書聲  
府主舊知舉同僚  
親弟兄人言遊官樂  
難得比君榮

哭周宗彞

已嘆交情看漸少  
聞君怛化重傷神  
手栽寒竹惟添笋  
堂掩空山不見人  
舊說媾婚今且置  
新懷情悃向誰陳  
獨憐頭白曾參母  
清夜悲號血淚頻

送項季約入成都幕

閣書入兵幕  
束袖學戎裝  
峽峭艤侵月  
秋清猿嘯霜  
迂

程看陣磧到處宿詩堂若比仲宣樂輸君髮未蒼

送郭子奇

永嘉官滿後歸處是仙居柳舞陶潛徑桃迎阮肇車名  
高唐寺塔篋滿晉人書看步青雲上題緘寄隱廬

送趙澤民赴鄆縣

高人為令尹政事豈尋常炎月不避暑清風心自涼水  
流衡嶽色酒帶芷蘭香遠想濯纓暇思予有詠章

大龍湫

昔聞天下山衡嶽稱崇丘又聞天下水江漢為巨流古  
有山海經歷歷叙九州李唐三百載詩家無一畱及觀  
酈道元此地亦不収不知諾矩那何事能窮搜我來玄  
妙境萬丈懸清湫石壁去無極百里彌道周雲氣冒羣  
岫龍宮深以幽輕輿岩壑底竟日涉溪遊陰晴異瞻矚  
遠近難搜摟飄如飛素練粲若散琳瑯風掀一潭雨佛  
坐四時秋喧呼勢益驟汹涌聲彌吼變化有如此溥博  
誰與儔吾謂神龍力豈翳人鬼謀稽首荷玄遇久坐勞



雙眸一盃却嵐暑旋步轟雷稠以吾澹世慮歛起杞人  
憂何當騎天狼滿引射斗牛

斷橋

獨扶瘦杖欲經過為問高僧意若何自倚神通能渡水  
却言佛法本無多

寒山寺壞莊產盡為勢家所奪余遊天台甚為  
普賢惜之陳約甫攝郡號不畏強禦者必能  
與寒山出氣

寒山寺廢佛燈寒有客來遊欲住難  
夙世問丘今攝郡不妨饒舌似豐干

哭劉詠道

案上韓文與杜詩小齋閑澹亦相宜  
人憐貧病憂無計自說文章樂未涯  
禮合古初山友哭祔從先世夕郎知  
生平直諒嗟何往不是哀辭是誄辭

送張直翁

宰公詩句是騷人官舍沉臨湘水濱  
衡嶽望中思策蹇

滄浪清甚欲垂綸長於一縣花開後獨訪三閭廟裏頻  
元亮何曾藉知己翩然出處自由身

送王倅之興化

梅溪好源委流德至今存獨繼賢人業共推君子孫官  
清五字好州小貳車尊所歷七閩郡從茲水不渾

挽趙孺人余中表也

幼小同羣戲年加各所之常擬豔花卉終是易離披夫  
壻新袍綠兒男半髮垂送歸蒿里道興我渭陽思

趙叔魯端行胡象德攜酒見顧

一賢二公子枉駕瓜廬丘烹魚載美酒竟夕為我留評  
詩仍和曲舉白不計籌情忘覺歡暢禮厚愧莫酬今朝  
風雨橫欲謝出無由

挽徐左史

左史聲名空復存如今往事不堪論惟應指佞當前陛  
已判身歸老故園驄馬引喪寒有淚麒麟卧冢寂無言  
人生遇合萍相似何處分明怨與恩

送鮑份父

地僻官仍小茲行古迹多  
矩羅應失笑龐縕亦經過  
宦業知餘事宗風竟若何

關  
滿舍是青莎

挽張彥文提舉

七十童顏在脩然物外幽  
組衣藏蠹篋散服上漁舟  
此日移松葬前時為菊畱  
山連象浦館誰記孟家遊

淨光長老極能詩

近住城中寺陰雲漬竹房  
雨多香篆久春去藥苗芳  
室

裏從人問吟邊與世忘一身全是道頭白有何妨

朱清之

淅水日夜白之人信所宜隱於陶令酒甘謝郗詵枝江  
渡月偏滿家庭歲有規不知君沒後誰主菊花期

送蔣肖韓赴弋陽

弋水橋邊接長官水晶山色讓清寒共知彫弊今稱劇  
自倚廉勤道不難吏退早衙花谷靜鶴翔秋祀訟庭寬  
從來遇事無凝滯應只愛民勞寸丹

送謹師

謹師牢絆脚語別意茫茫入寺春隨杖當禪月滿床多  
因新見解拋却舊篇章為我金山去鉗鎚問一場

挽宋耆卿

人如韞玉操如冰拾芥推梨世豈能案上有琴亡舊響  
墓頭無火續寒燈一官祇是幽閑過百行惟須健筆稱  
此曲調高知者少朗吟喚得九原鷹

送高郵周主簿兼呈陳居端

遶縣重湖色難同主簿清雖云古郵置不似近邊城月  
落淮田闊風晴隨柳輕鄉人在曹職相得為詩情

寄守上人歸閩省親

從小服縑素三衣竟不長心空無物礙頂重有詩囊去  
與雲相似來期春未央家山指萱草微笑奉高堂


無題

平生愛菊與梅花菊比淵明梅似逋誰知此道今寥落  
愛菊愛梅人也無



戊子七月十一日

貧因幾首詩閑高一著棊瓜廬常嘿坐不願有人知



江湖小集卷七十三